

## Von Feldtmessen.

9

**I**n Feldt/Acker/Weingarten/2. das nicht gleich ist/son-  
der an ein end lenger/das am andern ist/auch an ein en-  
de breiter dann am andern ist / so mess zum ersten mit dei-  
ner Ruten die ein lenge / vnd behalt oder schreib auff wie vil ruten  
sie lang ist. Darnach mess die ander leng auch / Vnd wie viel ru-  
ten du findest in derselben lenge / die thu zu den ruten so du vor in  
der ersten leng funden hast / vnd die Summa so darauß entspringt /  
die halbier / vnd behalt dieselb halb Summa in deinem sinne / oder  
schreibe sie auff. In gleicher gestalt mess auch die zwo vngleichen  
seiten / wievil die beyden seiten ruten breit seind / merck engent-  
lich / vnd mach dieselb Summa auch halb. Darnach manigfaltig  
das halb theil der lenge / durch das halb theil der breite / vnd was  
dir auß demselbigen manigfaltigen kompt / das theil (wie oben in  
der ersten vnd zwennten Regeln gelehrt ist) durch hundert vnd acht  
vnd zwenzig / vnd was auß solchem theilen kompt / ist die Mor-  
genzale deins Ackers / Weingarten/2. den du gemessen hast.

**A**uff diß Regel hab auffmerckens des nach-  
folgenden Exempels.

Es ist ein Feldt / des eine leng vierzehnen ruten lang ist / vnd ein  
ander leng ist zwölff Ruten lang / die zwo leng thu ich zusammen /  
so werden es in einer Summa sechs vnd zwenzig ruten. Die sechs  
vñ zwenzig mach ich halb / so bleiben dreyzehnen / Die behalt ich in  
meim sinn / oder schreib sie auff. Nach dem mess ich die ein seit / die  
helt sechs ruten in ihr / vnd die andere seite helt vier ruten in der  
breite. So ich die zwo breiten zusamen thu / werden es zehen ruten  
/ die nicht ich halb / das seind fünff / vnd mehre die fünff durch  
dreyzehnen / also: Ich sprich fünffmal dreyzehnen ist fünff vnd sechs-  
zig Ruten. Nun soll ich die fünff vnd sechzig theilen durch hun-  
der acht vnd zwenzig / so hab ich nicht sovil / so nehm ich das halb  
theil / das ist sechzig vier Ruten / darvon bleibe mir ein vbrig / auß  
dem erlerne ich / das mein gemessen Feldt eins halben Morgens

**E** vnd